

玉音散瓊堂 真人詠空歌 妙響絕雲房
解我自然襟 成我積劫功 長嘯九玄上
清磬觀空同 龍吟絕宅府 鳳嘯太霄館
虛唱无留味 哀音乘風散 誰能究此章
精誦素靈讚 以解九陰過 技度七玄難
太極真人曰太上素靈洞玄妙經以元始同
生靈文既存衆真詣座燒香禮經旋行誦此
二十一篇之章以慶於神庭也玉音激朗清
徹九天其句幽微妙趣傍通誦詠一過萬神
啓靈恒能究習與帝合真解宿對之重責技
七玄之幽宮解五苦於愁魂度身上於生天
妙乎微哉斯之靈文也

太上九真明科

洞玄靈寶千真科

洞玄靈寶千真科

爾時太極左仙公以吳赤鳥三年正月一日
登勞歛山精思念道是日中時有地仙道士
三十三人詣坐燒香儵爾之時乃有天鈞伎
樂萬鍾樂作太上道君與諸聖衆天真真人
扶乘千真仙童玉女乘空履虛同時俱至變
所居處床座莊嚴太上道君依位而坐仙公
稽首伏地良久言曰玄積劫有幸好道樂真
街荷慈尊降此早室千真集會喜慶難言沈
迹下僚未由大悟不審人間居處道俗執儀
進退之誠伏希指示太上告曰子有功德宿
著左仙暫託因緣寄生下世為物宗匠助道
私宣乃命千真為說科戒千真唯唯伏受教
言護命真人乃說科曰
科曰施制立法要假能行衆中無法者不問
老幼悉不得共住共住之人必須同遵聖教
動止合儀惡惡能斷善共保護如勸惡者事
在別科
科曰道法清虛不希名利閑居靜室謂曰仙
家我弟子中多蓄錢財寶貨牛馬奴婢耽着

不已如此之人斷三寶原奪衆生眼能持經
奉戒俱為滅法
科曰大德名人同住一處有狡猾弟子若欲
歸依或愛情未離或枉威逼事不獲已各試
機宜或先令苦使或誘引恬言或獨立坐忘
或擯令遠去或出經寶教授令齋戒治除或
懼自尊威而令傍人撫接若終惡不改而無
進善之功畜斯弟子是滅道法永須遠離
科曰若有弟子愛樂正法深經大義咸願欲
聞直以機在前緣衆根闇鈍如此之人善欲
堅發可須安慰三戒五戒示靜安心大德法
師是衆生模範若心性高者而令低心下意
若動止強梁而須攝伏若其懦弱勸進勇猛
既為衆生父母寧不慈憇必契道法無退轉
科曰出家之人能持三戒五戒九戒十戒乃
至三百大戒等一戒之中各有二十四善神
之所擁護天人供養不犯衆惡有不信戒衆
惡故犯罪結冥陽却受生墮落盲道遺戒奉
戒得福獲罪不問道俗至理無偏其功等爾
科曰上德尊人住持大衆下有小過須避嫌

疑若有不和於國王妃嬪眷屬大臣宰輔及俗人兒女小道士淨人宿新惡嫌之人前並不得呵責若應舉罰先喚來隱處自以示語

科曰不堪為衆所惡乃當白衆舉罰

科曰出家之人務在簡靜非法行事動則落邪非法者一則廣求利養自託我法二則貪積無窮為人婚姻卜相三則強稱多解貼視天文四則行等淨人躬執稱稼五則闖亂大眾與惡友交游六則正法為事而與凶俗結黨七則坐起無分混淆法次八則不依正道

與俗同床九則闇夜出行而不炳炬自照十則擄掠雙陸劫盜行非恣意所為而不自戒入道依衆可以矢之如不自懲是滅道法

科曰上清法師不應授人大戒不應受人依止不得書弟子不應為人教授不預評論衆事不得闇夜自行不得親近邪見當須動止在法

科曰諸小道士所請名德皆須備飾形儀整頓冠履安羣雅步稽首三拜拜訖長跪答白

某甲小兆未備法教故以遠來伏願大德賜

垂解結我有所聞必無返逆大德為白衆今有某道士從小來心有結緣累不能自解今稽首求悔若從生至今行嗔行怒行劫盜行貪慾一切不善之行於今解釋不敢復犯進學正戒通明義理說竟謹依所說乃起更三拜而退

科曰亂衆之人不依正法飲酒醉亂輕欺上下者罰錢及未或餘貨財當時同和後便違拒不肯輸送因茲杖罰或奪財帛以用供養或吾役治地斬伐草木鋤禾收刈如一衆不能治罰捨棄道衆又不能治可送與國王以依俗律

科曰若有不依正法進入他觀妄有輕欺科索酒肉或媒嫁淨人賣買奴婢及餘畜產或造順俗之制犯罪囚禁遭赦得免或自貨財方便得脫或奪賊物因利求利律有正科依法典罪

科曰住立道場皆須衆食登齋應供十方共同擊磬鳴鐘名集法衆非是齋人不預斯食同建福善道俗無違恨容閉門衆所同醜或

有問者食則有限容乃無違既不神通何能供給答曰主客之人連牛為作本供既少容數又多聽可均分減口讓哺此是人情勿宜杜絕

科曰道法平等不簡親疎亦貴賤同處一衆護惜無偏若人人作情來求輒與此不存衆衆即破據也各宜慎之

科曰若是齋時俗人來乞食者監厨之人即須借問能齋以否若能齋與食若不能齋深示因果使知罪福非為恠惜欲令返悟謹守道法是為第一慈悲若不示語衆生得罪

科曰若齋食時有五事一先當取影二則鳴鐘集衆三則行水洗淨鋪巾列席四則打磬就食五則說先師食咒若不為此五事非入淨齋名為監食

科曰諸大衆人每用常料若先約三不可加減減為犯盜多取亦然若行食時菓菜已上並不可長取若意貪長取此即犯盜若行食時上座須量下座須用多少不可過取果玄經云上下共相頌望也

科曰道眾威儀事在嚴整衣服清潔執行可觀則生世善心諸天稱嘆若形儀疎慢不喜眾心不堪衆論毀辱道法即是道實有虧斷大慈種若為衆儀軌人所欽慕遠去教益隆法門有異

科曰若就齋戒儀軌大德之人應當前坐約語徒衆必使齊整勿使主人有所嫌鄙或各爭異論無有畏忌非唯道俗賢善惡惡亦乃十方大聖冥鑒為罪招殃各因已受

科曰入衆坐起皆有法則若坐時男先上左脚正履近床次上右脚踏床平身向後安坐若下床時亦徐手拓床近前取履先下左脚踏下右脚安徐而起女前右脚坐起咸然若入堂時先於門外端衣笏正褐披束身欲版存想堂中法衆如十方天尊如得道衆

聖如見在國王如州縣府主等方始安序進步科曰若入堂時有門兩頭東西門各隨左右入若門西坐者從門西入若東坐者可門東入不得於門上交過科曰道服中華之衣橫裙大袖與俗有別不

得與白衣參雜袍袂皮靴角柄食器皆須漆素而已不繁金銀銅器朝修行事禮謁衆聖皆威儀服隨法位伏若上清衣紫帶佩靈寶通黃三五衣絳非事時細絹為衣刺槐色而已不得紋綾羅錦炫惑時俗女官不得金玉

釵釧花粧粉飾一則入道通惡二則非為正科曰道士女官各須淨行道士不得畜女童子女官不得畜男童子各便遠離醜庸其心目不見形聽不聞聲老子經云不見可欲使心不亂若有此色即須白衆告舉不肯制止國王有法

科曰大觀私房皆多混亂特由尊者不能謹慎縱恣無方或是網維不出故令身居寶地心穢慳貪導引後生同開惡趣凶惡長養靈大道源使正信者憑心何所

科曰共入寶方同開善趣懷嘆動熱感率大慈養牛畜馬不免鞭撻獵狗放蕩專懷殺意今入淨戒此等並合戒之科曰人有尊卑戒無大小或身雖奉戒意無在法不備淨舍誑飾殿堂招引凶黨動為非法

聞為鐘禮拜大笑入觀門見專德行道外生誹謗特由網維自尔何能戮力徒衆通乖作法風教日乖

科曰若衆中有一人不善可隱慶示語云真品仙階行人所踐道無形像要藉人和十方法徒助道揚化闡有法要學擬成身豈得過令他知覺今大德諸行無犯唯有其事不依正道請即改之猶如月虧更滿蘭歇更薰幸相用言共匡法教不悞即舉白大衆

科曰所養子弟彌加呵責有大罪過引五專責之一我今呵責汝汝須出去二則出離之後莫入我房三徒使無人誓不用汝四我之空前莫至我房五則寧引化三塗五道終不與汝共語此之呵責折伏為之甚矣不用分外非法拷打枷棒懸首反縛晝夜打罵律無此條傷大慈種若師主使令弟子酤酒買肉坐行販賣牧牛養馬并為邪淫驅使弟子弟子可言曰以此所作非天尊之行兼不敢為師弟子若有嗔責可須捨去科曰惡行弟子教不知悔其行有十一則為

惡不恥二則見善不修三則聞諫猶甚四則動非威儀五則強梁我慢而無恭肅六則夷情狠戾七則友非忠信八則遊習奸姦九則好樂屠戮十則醉亂尊卑有此十種行人是破道法若不為惡能伏勤苦清旦入房除穢清塵朝中日暮三時問訊求有所習隨用駢使不辭勞苦漸盈大器積德成真有此弟子紹隆正法廣以讚嘆

科曰出家之人與俗既別置觀立舍並不得與俗人及家口寄住若是十方法衆行往經過看前人德行高依作三品安置尊卑居止要合行所

科曰每觀舍應須精思別院置名得平常集衆同在齋堂若是遠方行人來暫居止即須先問欲何處居止其十方來人自量才德請就居止若才德高遠精思別院若無奇行請平常居止若自量卑弱請乞下房小室聽可以謙請不可過分若是上人讓請下人可須辭謝改處若才非所處即須默退
科曰出家之人既能披黃戴青為相若能淵

澄霜潔玉潤水清世福田行無點汚守持正戒有五種譬喻一者如富貴之家忽生一子而無兩目經涉三月兩目忽明衆家歡喜無戒之人猶如無目二者喻如磨鏡漸漸增明有戒之人念念功積三者喻如嬰兒細細長大能持戒者以下之高四者喻如飢人終念得食不得食故必死無疑不受戒人長輪盲道五者喻如航能度大海能持戒者必度生死苦海

科曰若國王大臣施主工匠能有益衆者可供給飲食薪火有求索白衆給之
科曰若威勢及惡賊能損害衆者亦須供給飲食此是不善人能損壞法衆故也
科曰常住財物不得貸借充私房中用其有病患切急白衆求請後一陪填還

科曰非法之物不得布施仙公曰何為非法之物真人曰牛馬奴婢軍械器械等物是也
科曰時在饑荒又遭離亂各欲隨豐遂靜能有守固者衆可分私財物以與守固之人
科曰法物造像造經有所施用輕重各別仙

公曰何為法物什物絰像等之輕重真人曰鐘磬幡花爐合帳蓋寶幢經綰之屬此是法物則重冠履札笏榻被褥襦衫褶等為什物則輕本心為重後作輕犯五刑律本作輕今作重不犯像有三等天尊為上真人為中衆仙玄中法師等為下本心捨施造像為重不得入輕入輕犯十惡若以卑入尊不犯經亦然上清為大洞是大乘洞玄靈寶是中乘洞神三皇為小乘本心造大乘後為中下犯五刑律本心造小今造中大不犯

科曰盜法物什物罪同五逆
科曰將常住食飲以私餉及歸私者准盜論
科曰常住之物十方共同通手相付百代常行不可當時任意取用不得共制私自用意分以歸私並犯五逆罪

科曰若母及姑姊妹等為病患及急難要須扶提者無犯若是他人兒女沒水墮火縱有姪心亦須拯救不得犯觸
科曰出家之人單景獨宿與物不群割愛遺榮超然安處若犯逐亂世不崇敬

科曰若行住道路逢女人有所求覓并乞食飲等只得隔十步外遙言若得物及飲食等安致地上或持去後任來取不得親授手中若路逢婦女須避路與過

科曰居淫心起時如逢猛虎如見毒蛇想如見國王如為賊廢逢主想如坐在宅中宅被火發遺燒想如乘船渡海船漏欲沒想作此六心淫無起慶

科曰共居觀舍堂殿園林地三寶衆有殿屬天尊堂屬道士若其營造尊卑有其私房是道士自造廣狹等級出自己身死後身前由身處分若死後而無付囑徒聚施為白衣童子自所營造得度之後配名別者亦聽許自己處分唯地屬三寶不得改動若大眾先有別約衆例不犯

科曰諸初入道戒行未全依倚村坊不住觀舍上無尊德可畏下多狡猾為朋誘引兒女同床坐起歌笑僖戲飲酒食肉俗人見之返生穢慢如此之類是滅道法破他信敬尊德巡察依科與罪設不能治國王有法

科曰若出家之人將三寶之物贈遺官人豪勢內求潤已翻令俗人怖望心縱能興建不如淨生如有犯者准盜物論

科曰出家之人不交世俗不求名利不作有為功德靜思入定降伏外魔名為淨戒是真寶法母

科曰出家之人清堂虛室耽着既甚有十惡業一則廣占荒野別畜田宅二則種植園林自求地利三則出入貯積絲綿絛帛四則畜販奴婢五則變養六畜六則貪聚八珍七則樂玩八則銅鈔帷帳九則衣着奇異十則財寶珍勤此之十事並不得為深宜改革從道日新

科曰若有人來乞索是因三寶起齋傳度講誦轉經受施但是因三寶得者准明真科依十二折傳處分看是此外所得听出意布施濟惠仍不得以不淨取以為不淨施皆犯狂法得罪

科曰若諸弟子恒畏天寒時亂遭飢荒等事儲積絲綿綉布五穀以備時急惠施者不棄

科曰若有人將器械禽獸非法之物以惠施者並不合受

科曰若有人將使人奴婢以供給者悉不合受其使人能齋兼持戒者可受

科曰出家之人房舍與俗兒女隣並者夜宿各須閉戶不閉犯律

科曰出家之人寧受犯偷鐘盜像之罪不得言說他家陰私穢惡之事

科曰出家之人衣裳鞋履皆須整頓行動坐起語笑要須得節若為疾病或威迫驚懼或被獸則越逐被傷刺舉足動步及衣服違法者不犯非此等犯律有故為者犯律仙公問曰何為犯律何為犯科真人曰律無正犯而言犯律杖罪科無正犯而言犯科犯律杖罪

科曰若野地得藏還與國王若藏中有家銘記記云是經像堂殿功德之物得者依其銘記處分施造不須白王若不犯十惡律如路次野中拾得之物捉取其物依物標榜得主分付如不得主人送常住不犯律

科曰冬天洗浴每一旬一浴先作密室方六

尺安水槽火爐筒渠注湯水入其須桃枝栢葉蘭香竹葉等內籠瀝湯至乃鳴厨下鼓等平以次入浴不得男女同室亦不得與俗人共浴及浴衣若不亦並犯律

科曰出家之人不得飲酒或妄託天寒詐稱

腰痛飲後色變或聞亂辱卑應供赴齋或施行章醮或行遊道路或應對公私非惟自失禮義抑亦穢辱道象是城道法無生弘讚然應人就請本以清潔為先出公入私皆用端嚴為首有如此例皆犯律論其責是疾痛兼

所通知分藥要須不在禁例須令出外不得

入法席仙公曰道法之中聽許飲酒靈寶經云置酒浮雲觀高飲玉清臺此何頓隔之真人曰何見之謬太清經云化金玉為三十六水以金為水則為金漿赤玉為水則為瓊漿

白玉為水則為玉漿或玉液定志經云玉液

五者不醉常思淨行何有許法

科曰出家之人出外行遊見人問打不孝父母不順兄弟為偷盜行軍兵傷殺人事皆須歸觀香湯洗浴入靜思微不犯科

科曰齋時受食皆須淨手中感受

科曰齋後須拂拭指洗口齒

科曰齋取時依立主法分二十四炷以定得失

科曰小師若見大德及經像在背後者皆須侍衛不得違背

科曰傳經度戒之時女官得入道士觀道士

得入女官觀要須請師資位定白衆令知嚴

整法戒不得一人自往聽將二人同行直入

法堂更不得私房混亂法事當日即出不得

經宿不亦犯律

科曰男女官各得依止男官依止男官女官

依止女官大法者為師每一旬至師所受教

訓至時整理法服赤心靈宇恭敬謹肅直詣

師門不得東西異向至師門已通問云某弟

子問訊師知已乃端嚴衣被燒香於經誦之

室命弟子進進至師前安詳三拜問訊云師

比者起居安否德無損乎師無他故乃答云

亦無虧禮誦若有疾苦隨事應弟子若有罪

過先聞師耳可云汝有某事可加戒誨令其

改隔弟子拜謝乃云不能自勵勞師戒勅又

拜謝云從今以去不敢後犯若是齋前設齋

齋後無所施設乃辭去再拜願師以自珍重

師重戒云所在之處勤行齋戒以自慎護勿

起驕慢唯然即退三步乃始轉去不得更入他

房歸至本觀以師戒誨之言示衆大小不得

藏匿若女官無大法不辭傳授者可訪男官

請受若有高德女官男官亦得詣請受法術

仰之格男女通用問曰道士女官而被俗人

不依道理輕凌若為依止答曰若道士女官

而為俗人不依道理輕欺者告父母兄弟及

村落有勢力者以為外護若道士女官有不

是罪過可白徒衆徒衆依律治罪不受送與

國王問曰天尊初得成道聽許男子出家未

審女人從何乃得入道答曰天尊因樂淨信

夫妻結果道成為元始因許男女通令出家

妻以果地為金中候太夫人之稱亦許女人

相係入道傳經度戒之後大洞女官見男子

入道受老子自然法已即須敬禮依法引接

為能紹隆聖種若見有過垂心慰喻不得罵

詈非謗若治錄童子須禮大洞女官為敬法

故問曰男女童子依奉經戒王勅與度作何方法得度之後合禮父母以否答曰紹隆聖種相係弘護男女入道揀取端正慧敏有道心者師先試練十行可執聽許許王勅與度依王法制度合度已依一大觀嚴整玄壇施安蘭臺依明真拔罪之法預度男女於壇南依左右方面以別兩行倚立以監度官長正高橫行須一大洞法師橫行之前施茶席然香讚嘆曰大聖天人尊歷代所崇敬今有珍貴者是我大國王以發慈善心普令入正道得入正道已實由國王恩水離有為情長尋聖境界必得大法利同趣證無為讚嘆既已白新度法師今日之後禮聖禮真永離親俗人各三禮長為俗別第一禮國王帝主德澤無盡第二禮州縣官長度脫之恩第三禮存沒父母得與出家離俗三禮^{十五}此法師投新度一人衣冠曰大哉聖化被無窮星宿為冠日月為服法天行道勿替四時廣度衆生永超三界法師令大衆普皆唱善禪指三聲舊人唱善禪指齊各三聲訖乃捲着法衣竟官

人行香如法行道三周舊人在前引發壇裏道事訖投齋齋竟各謝法徒從老起至下竟列坐父母兄弟皆來禮拜於兒女遭父母並稱弟子發願之後師必定成道與弟子等同入真正問曰出家之後從少至老有何階級答曰出家之人有五種階級從七歲至十一名滿車道士十二至十四名駁邪道士十五至十九名趣施道士二十至六十名弘護道士七十至九十名住持道士問曰三乘之道何以為心答曰一小乘之人隱處山林自調自愛二中乘之人德澤弘深後能兼濟度物三大乘之人忘功絕私發弘普願科曰能勸他人男女并捨自子出家譬如微塵世界之數功德亦不如勸人捨子等出家之功德縱有人造牆造蓋懸至三清之境功德亦不如勸人出家之功德科曰通俗二徒造於經像俗人仰之以金木銅絲模寫聖儀安心供養名為造像科曰若有信敬捨施田宅園林為人侵奪請報本施主令其轉貨

科曰出家之人與俗有別然而死病亦無定法然稍修軌制病之時轉續然香晝夜不絕臨打無常磬送終依五練生尸法失以病疾觀內大衆數以存問檢校厨下令前與病人食疾病之時難有違命福勢既盡乃欲隱避東西此並是前路功德無憑而以臨時驚懼作此意速死而已可以淨洒掃開敞房舍未往善知識達命之言更相啓發請法無常寧有住者必應壽盡量命無機可移入遷化堂其室可於觀西北角別立為院堂三間五架堂面看西北其堂中高座上造果虛像身坐蓮花如人大舉左手以指天門左右二真侍病人恐命將絕移入堂中像座後安置用黃紋全幅為幡長二丈四尺夾繫左真腰幡頭與病人手投令病人真心正念願隨二真登天門詣金闕若未應化隨建福田男向左真女向右真一人入此堂難得平然歸者臨命將絕咸稱未因特是貪生有此計耳達命君子豈去住為心科曰出外行遊須思量結覓好伴富有十可

觀一擇覓知已二要須正見三心心相得四疾苦相憂五通樂相師六威儀勿失七行動檢攝八所見鞠躬九禮敬畫節十進退合儀可同行也

科曰道學法徒速來客依不問大小各須安置先與房舍亦五次給所須三令隨衆朝拜四教

示門中諸忌五語去處避就

科曰清信俗人欲入觀舍觀齋聽法請會供養者並須清淨不染薰辛酒氣嚴整衣服結

束早恭欽身下意先禮天尊次拜大德後小

戒道士既入門通當崇敬若是日日齋講恒

在二時須來者直於禮座禮天尊即以安坐

其善女人來者亦准此不得語笑倡蕩脂粉

圍筋粧眉畫面常須執志整容觀听妙法捨

香發願同契成道

科曰俗人入觀寄宿不得眠坐常卧之床得

坐居客別床眠時不得脫衣露體

科曰恩德大者無過孝順父母師主親自供

養溫良無失此恩最大又能勸課令人作善

其功等比若父母貧老疾病死亡無可以充

衣食湯藥茶餅者得供營送若父母不敬信三寶者怡顏勸諭令得法利問曰俗人欲齋戒者何為教示答曰若欲入齋者可以一日八日十五日二十八日二十九日六齋日示之若能進又以一日十四日十五日二十三

四二十四日二十八日二十九日以八齋日示之若又欲進以一日八日十四日十五日

十八日二十三日二十四日二十八日二十九日三十日十直齋日示之若又欲進即以正

月七月十月三元齋示之若又欲進即以正月三月五月七月九月十一月歲中六齋月

示之若欲齋人先令受戒戒之所起三業為初

身業有三殺盜邪淫口業有四妄言綺語兩

舌惡罵意則有三貪嗔癡此之十戒由三業

根先預防之問曰齋食若為次第答曰若自

居常齋厨下亦五廚一人先自檢校厨頭菓菜

調和生熟顏色氣味並令得所次看日時主

影天陰取漏刻以正齋時時鳴鐘召食各送

食器於齋堂量坐處位次安置飲鐘訖行道

讚嘆竟各坐定已水一遍次行食中始就食

尊卑得存前下先師梓監厨人長跪擊梓於先師座前擗舉人座頭鳴磬子一下座頭大德咒曰建齋為道真為道種道父道母真人神人仙人聖人或同為道同共飲食長生无極竟梓下先師前次下齋人食位聲各唱菓

菜飲食名示衆齋人各捧器物感受若不瀆

者勿取大德顧望看食通至下周過竟乃令

鳴磬子一下云請就食大衆安座正坐无語

无笑以就食食時示不鳴吞亦不嚼口亦無

欲飲之聲亦無啞亦無呻聲吐氣亦無噎

匙打筋上座緩食相待行食之時事事三遍

行上下次下第行食訖從下收上行食時至是

時應受非時不得輒索齋飲了欲取衆生飯

散與衆生非監厨人不得向厨下有所科索

飯食來不及齋即須下堂食若強入齋堂即

名觸食衆食未了食飽輒起即名驚座衆若

自居長齋無先師梓即无先師咒即有出衆

生飯咒食了行飲一遍次行水一遍各收食

器竟鳴磬子一下唱曰齋食以竟各隨意下

息大德乃以捧食器出堂歸房盥漱監厨人

010 A 11 10

檢校厨下不得一人不出若犯前一條者對
衆各罰二十拜若應俗人齋供坐起受食並
同唯受菓不得受俗人恐生揀擇之意但
受之食克餘菓食並面節衆人鳴磬子一
下唱白大衆齋餘長食充主人無碍用同者

然不同者說三唱訖齋官或有父母師主
老病得取此餘菓即起白云某甲有父母師
主老病今將此菓歸家餉餽上座大德答云
好將去若不此者並令主人收充家中無碍
用或問曰齋時令出衆生餘否答曰棄賢世
厭初開元始命行道真人下教為遍嘗百草
以得五穀活於人命一切餓鬼無種植功於
齋之次各出飯七粒真人德施與一切衆生
亦名神農飯亦名衆生飯一切衆生得此飯
一粒能飽十日

科曰出家人行動語笑並避譏嫌入法之人
不得言殺心殺不得言奸起奸不得言盜起
盜繞非正法並須隱避

科曰聖人去代衆生戀慕可以駐心發衆生
敬信堂造堂殿官闕臺榭施置雕鏤造十方

天尊真仙聖衆或金或銅或鐵沉木圓直隨
力能辨幡花伎樂種種供養若以日月增久
虫鼠侵傷鳥糞穢汚牛馬衝突遠致毀壞能
有敬信身手治理或顧借工匠洗饒安置猶
勝前人初造功德何以故重發人敬信又續
前人基址故也

科曰朝脯禮拜三寶得於禮拜板上若行道
特得於地鋪席上若於路相逢無席得於地
上如地上禮時手至地得屈指背背地不
便塵汚掌心名為護淨若為高廣大床平床
長床方床上禮拜者並不合儀深乖崇敬譬
如見世間高貴尚當進退合節何況謁聖朝
真而於床上啓白冥考一百日

科曰尊像之前即是奉真承聖對俗間官長
尚乃不敢低頓豈況朝謁入真七聖而以倨
傲形容或大語高聲或更相虧林或獲怒眼
或仰卧斜身並以結罪冥科亦大為俗人不
生敬信

科曰齋戒之家未至一日先於門前豎一長
竿懸十絕大幡標門戶示絕淨好以存閑靜

科曰出家之人常合忠正出入動止以正為
先一正己身二正門徒子弟三正觀中良賤
四正四遠法衆五正頑為俗人能正己身為
物執則能正弟子承稟有儀能正觀中大小
從順能正四遠法義稱揚能正頑為廣增惠
解能如此者名為道士若身既不正為物所
憎弟子不敬却賤師主觀中常無禁忌大小
貴賤混淆不存信義四遠同皆厭惡欺凌愚
蔽增長罪田不能廣立威恩却更誘引他家
子弟奴婢或畜物入己或私與交關不依正
義在身怕以邪僻為行有如此色逃課凶賊
共所防戒如不受德國王有法

科曰出家之人還歸俗家若有父母可歸父
母之堂別床安置不得與俗人共床坐若父
母有疾聽得扶持看待若無父母可還客堂
安慰大小並不得嗔聲大語及俗間戲呼嚼
笑雜男女經宿居停並犯戒律

科曰若退一紀即退三百日若減十算減十
日

科曰叅省師主大德皆三拜侍立命坐即拜

而坐更問他故則起立而答皆條直身體並脚斂手

科曰為弟子洒掃之禮必加簾於其上兩手捧接腋下而末次有五事一則斂塵掃時以袂掩而却二則滅跡勿使有於痕跡不淨於

惡三則不背長者勿生不敬四則除糞箕自向五則掃帚還故處不尔犯科

科曰為弟子之禮師主令過授物事師主若立則倚授師主若坐則長跪授

科曰進尊者之房戶知在房中或庫內若不聞聲聲咳發覺如不聞退若問稱名答白命

入則入房開則開戶閉則閉入戶正視尊者左右斜顧犯科

科曰為弟子之禮師主有客當即拂拭床席枕褥洒掃前後說白師主師主命客進乃

命客進

科曰弟子有所啓白得主及同觀外觀大德皆整衣至房房開當屈指細細打戶三過停少時不聞人聲又三過合九過不聞人聲則退

科曰師主大德若從遠歸命所使先到觀中令知歸至弟子則整衣披出觀迎接當以大顧望不得無故掩人不恰

科曰若於道路逢見得主及師知故皆以下風避影不隔越道路而與共言當以曲腰磨

拆有言則對無言則退

科曰隨從尊者出入當為提持杖鞋履登危臨窺當以親侍左右兩手提携不得散手

遠離老少別用

科曰夫為弟子之禮出則答白還則慰問問訊上下乃復常業

科曰我有疑惑我不勸成衆有評論我所審察衆有擅造我從衆宜衆有行遊我不矯俗

自常卑退專敬於前人

科曰為師主大德存衆之法寬宏以立節容物慈愛以約衆行事以恭勤朝修以肅敬上

乃均平不生異心下無怨色斯為大德者矣科曰為人自己有善行當與在下共之勿自取歸已

人之諫不見已之怨

科曰行進時齋主禮三寶訖投香爐拱手長跪法師之前法師三揲香咒曰當願主人七

世父母得出長夜身親光明災消福降生死丹仙訖乃行香

科曰自臨中食時咒曰二玄上道四極清冷太乙帝君百神黃寧受糧三宮濯醜脾靈上

饗太和食味五聲魂胎之命七液流停百關通和五藏華明雙皇合景飛行上清

科曰為人齋出飯咒曰今日是吉日齋戒向太上中食天行厨主人福無量

科曰下先師飯咒曰建齋為道真為道種道父道母真人仙人聖人或共為道同共

飯食長生無極

科曰出衆生飯咒曰勤備大道法精誠感太

冥真降魔魁散衆妖皆滅形七祖生南宮兆身登上清福既無不善法食施衆生

科曰服糜咒曰今日清淨服食仙粮行香吃粥壽命延長又曰乾元亨利貞身為大法王糜粥入腹五臟清涼

074 A. 11. 10-11

漱口咒曰楊枝搯口眼明好願得一枝供大道道在一樹多名香願將身心奉三寶
科曰出家同道與俗有乖是我法徒共相掩蔽匿惡舉善通互生恩使遠近稱揚通令深信

論云天下善人少不善人多今時之人吹毛覓瑕互相讒嫉不知已過強毀他非故有一善爭相毀謗不能改身就善乃散敗善同惡故壞道法專由此人大德尊者深所約語
科曰盜造像物罪同十惡若盜將他家相緣路告訖又取物入已被八門長考萬劫無出
科曰盜十方齋供衆物或為頭首私自入己入火坑獄萬劫方出更入鄴都六十年考長為鐵鬼

科曰若有惡口赤舌凶徒惡黨以相羣聚常懷遠離設使偶會情不獲已須要口順心若不能行史為切害
科曰凡人為道威儀不足皆為犯科以此示予子明審之仙公奉科稽首而退
洞玄靈寶千真科

洞玄靈寶長夜之府九幽玉匱明真科 亦六

元始天尊時在香林園中與七千二百四十

童子俱教化諸法度身成光於是

天尊放五色光明徹照諸天長樂福堂十方

无極世界地獄是時童子俱在一處見諸天

福堂男女善人道遠無為衣食自然普見无

極世界地獄之中因徒謫役餓鬼死魂裸身

無衣頭脚鎖械足立刀山身負鐵杖大小相

牽五體爛壞無復人形飢則食炭渴飲火精

流曳三塗八難之中爾時上智童子閉眼伏

地稽首上白

天尊今日侍座得見諸大地獄之中善惡令

根心振慙懼五神悲惶敢緣天慈由連無窮

欲有所問惟願

天尊有以開悟愚蒙之心直垂訓厲敷演玄

教令衆得明來世之人不見科戒方當履向

五濁毒湯遭難遇害不能度身是男是女皆

當如今所見地獄囚徒餓鬼謫役之魂億劫

塗炭而不得還無知受對甚可哀傷願使禁

戒明真科律以為來生人世作善因緣世世

可得蒙此大福免離苦根度脫三塗上昇天堂

元始天尊曰善哉善哉子之所問要乎深矣

長夜之府九幽玉匱明真科律具說罪福宿

命因緣善惡報應解拔苦根戒人治行身入

光明遠惡就善終歸福門其法弘普廣度天

人生死蒙惠免脫八難身超三界受慶自然

世世歡樂享祚無窮今以相告密遵之馬上

智童子前進作禮長跪稽首上白

天尊言不審今所普見諸天福堂及无極世

界地獄之中善惡報應悉何因緣所從而來

生世何修而得飛行逍遙上清位登高仙生

世何緣身得尸解滅度無為生世何緣死而

不休後還更生世何緣死補天官身有光

明生世何緣死生諸天為太上之賓生世何

緣死無拘閉與五帝交游生世何緣死得受

號為地上靈神生世何緣死為衆聖策駕雲

中生世何緣死昇福堂衣食自然生世何緣

死昇南宮即生人中生世何緣死入地獄長

夜無窮生世何緣死受楚毒萬痛加身生世

何緣死不得食餓鬼之中生世何緣死受分